



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Enchiridion Sev Manuale Episcoporum Pro Decretis in
Visitatione, & Synodo, de quacumque re condendis.**

Gavanti, Bartolommeo

Venetiis, 1650

Index praeparandorum à visitandis. §. V.

urn:nbn:de:hbz:466:1-9534

Index præparandorum à visitandis. §. V.

- 1 **O** Ratio publica, & si fieri potest, quadraginta horarum indicatur à Parochis, saltem in locis insignioribus.
- 2 **M**onitio populo fiat de proxima Visitatione, causis, effectibus, & ritu, intra Missas lectis pastoralibus litteris, si datae sunt, & moneatur populus ad reuelandum ea, quæ correctione egent.
- 3 **I**nuicetur populus ad poenitentiae Sacramentum, ut de manu Episcopi sumat Eucharistiam.
- 4 **P**ræparentur ij, qui confirmandi sunt, paratis opportunis schedulis, in quibus scripta sint nomina, cognomina confirmandorum, Compatrium, & Parochiæ.
- 5 **F**requenti campanarum sono excitetur populus, maxime vero pridie Visitationis.
- 6 **E**x vicinioribus locis conueniant Confessari ij approbati ad Confessiones audiendas.
- 7 **P**ræparentur Hostiæ, & particulae, vinum, mappæ, vasa ad sacrae communionis usum.
- 8 **O**rneur Ecclesia, & paretur locus pro ministrando Sacramento confirmat.
- 9 **S**i quæ sunt benedicenda, vel consecranda, opportunè parentur.
- 10 **P**ro caeremonijs Episcopalibus.
 Umbella, seu baldachium in porta oppidorum insigniorum, à nobilioribus loci gestandum.
 Crux sine hasta ab Episc. deosculanda.
 Tapes cum puluino.
 Thuribulum cum nauicula.
 Vas aquæ benedictæ cum aspersorio.
 Pluualæ, & stola coloris albi pro Rectore Ecclesiæ.
 Scabellum genuale cum tapete, puluinariibus ante Altare maius.
 Sedes præalta supra tres gradus, & sub umbella, si fieri potest, à latere Euangelij, cum tapete supra gradus.
 Gossipium pro abstergendo chrismate sacro post confirmationis Sacramentum, Panniculi duo, & vas aquæ ad hunc usum ad lauandum, & tergendum frontem confirmatorum.
 Vas aliud pro colligendo gossipio iam adhibito.
 Occursus Cleri totius, Confraternitatum, Doctrinæ Christianæ, & populi, intrante Episcopo, Litanias cantantium, aut Hymnos, & præsertim Cant. Benedictus.
 Sex candelabra in Altari maiori, cum candelis circiter sex vnciarum.
 Duo intortitia ad varios vsus.
- 11 **I**n sacristia exponatur ordine sacra sup-

pellex, ut breui cetni possit.

- 12 **I**bidem libri ad usum Ecclesiæ destinati, Missalia, Breuiaria, Antiphonaria, Ritualia.
- 13 **I**ndex sacrarum Reliquiarum, cum suistificationibus.
- 14 **I**ndulgentiarum, Altarisue priuilegiati documenta.
- 15 **I**nuentarium iurium, priuilegiorum, & onerum Ecclesiæ, tum finium Parochiæ descriptio.
- 16 **S**tatuta, si quæ sunt, Ecclesiæ propria, & mores in diuinis Officijs, si differant ab alijs.
- 17 **I**nuentarium sacrae suppellectilis.
- 18 **I**nuentarium bonorum stabiliū, & reddituum Ecclesiæ, Decimarum, & oblationum.
- 19 **I**ndex Beneficiorum, quæ sunt intra finem Parochiæ.
- 20 **I**ndex Ecclesiarum, Oratoriorum, Capellarum cum oneribus intra eosdem fines.
- 21 **I**tem Sodalitatum, Confratriarum, locorumque piorum.
- 22 **I**tem Monasteriorum tam virorum, quam mulierum, cum titulis proprijs, & numero personarum.
- 23 **I**tem Sacerdotum, Diaconorum, Subdiaconorum, Clericorum sæcularium eiusdem Parochiæ.
- 24 **I**tem eorum, qui disciplinam Ecclesiasticam, ut clerici fiant, ingrediuntur.
- 25 **I**tem eorum laicorum, qui Ecclesiæ deseruiunt, in diuinis Officijs, funeribus, &c.
- 26 **I**ndex bonorum fortasse usurpatorum à laicis.
- 27 **I**ndex Missarum receptarum, & celebrandarum, & quibus factum sit satis.
- 28 **I**ndex legatorum solutorum, & soluendorum ad pias causas relictorum.
- 29 **P**rompti habeantur codices Parochiales baptizatorum, confirmatorum, matrimonio coniunctorum, status animarum, & Defunctorum.
- 30 **D**ecreta Synodalia, Edicta, Bulla in Cœna Domini, & casus referuati.
- 31 **I**ndex eorum, qui in Parochia sua, de hæresi suspecti sunt, blasphemæ, malefici, simoniaci, usurarij, concubinarij, adulteri, notorie criminosi, & qui non comunicarunt in Paschate. Item coniugum diuisorum, excommunicatorum, interdictorum, festi violantium, aleatorum, & prohibitos libros habentium.
- 32 **I**ndex Medicorum, Iudimagistorum, Obstetricum, Pictorum, & Sculptorum, Bibliopolarum, Notariorum, Cauponum, & similibus.

- miliū personarum, de quibus nosse debet Episcopus.
- 33 Et hæc omnia paranda erunt respectiue ab omnibus visitandis.
 - 34 Alia sunt paranda à quolibet de Clero, vt Ordinum instrumenta, Beneficiorum item; tum facultates datæ pro audendis Confessionibus, Concionibus habendis, Missa certo loco celebranda, habitandi cum laicis, ancillave, seu extra ædes Ecclesiasticas, locandi alijs eadē, exponendi capulam pro elemosynis.
 - 35 Tum libri personales, qui solent præscribi Ecclesiasticis, Missale, Breuiarium, Calendarium, Volumen Bibliorum, Homiliarum, Catechismus Roman. & eiusmodi.

Index locorum ab Episcopo Visitandorum. §. VI.

- 1 Confici curet Episcopus à Cancellario Episcopali locorum indicem visitandorum, quem in visitatione perficiet indicē, de quo supra §. præc. n. 19. & 20.
- 2 Hæc autem sunt de eiusdem immediata iurisdictione, & primo Ecclesia Cathedralis.
- 3 Ecclesiæ collegiatæ, cum ædibus Canoniorum.
- 4 Parochiales, cum ædibus Parochorum,
- 5 Beneficiatæ.
- 6 Quæcunque aliæ; etiam Sacella, Oratoria, vbi celebratur Missa, & Confratriæ Trid. sess. 22. cap. 8.
- 7 Item ea Oratoria, quæ sunt in vijs, & vbi non celebratur Missa.
- 8 Hospitalia, & loca pia. sess. 22. cap. 8. & Collegia quæcunq; ibid.
- 9 Monasteria Monialium sub Ordinario.
- 10 Alia sunt loca cum limitatione visitanda: nimirum.
- 11 Monachorum & regularium Ecclesiæ, vbi est animarum cura. Trid. sess. 7. cap. 7.
- 12 Monialium Monasteria sub Regularibus, quoad clausuram. Trident. sessione 25. c. 5.
- 13 Ecclesiæ, quæ sunt nullius Diocesis, à viciniore Episcopo visitantur, sess. 24. cap. 9.
- 14 Monasteria virorum, vbi non viget regularis obseruantia. sess. 21. cap. 8.
- 15 Beneficia quæcunque, & qualiterumque commendata. sess. eadem.

ANNOTATIONES.

Circa primum. Nota ordinem Indicis locorum fieri iuxta diuisionem ciuitatis per Quarteria, seu Portas, seu Regiones, Diocesi vero per Vicariatus, seu Plebanias.

Circa 8. non sunt visitanda Hospitalia, & pia loca, quæ sunt immediate sub protectione Regum, ex Trid. sess. 22. c. 8. neque ea, in quibus aliter est cautum in fundatione, & expresse contra Episcopum. Collegia vero instituta pro sustentatione studentium pauperum sunt loca pia. Vide Garf. de Benef. par. 5. c. 1. num. 612. si aliquod oriatur dubium, visiter Episcopus tanquam Sedis Apost. delegatus, ex eodem ibid.

Circa undecimum, visitari debent etiã Ecclesiæ curatæ Equitum Hierosolymitanorum, ex Decl. Sacra Congreg. 77. apud Vilagut loco cit. nu. 6. non autem vbi habitat Generalis Ordinis. ex Trid. sess. 25. c. 11. de regul.

Circa 13. Si dubitatur, quis Episcopus vicinior, in Conc. Provinciali debet fieri electio à Prælato illius loci de aliqua persona idonea, à qua ipse Ecclesiæ nullius diocesis visitentur, vt docet Fuscus lib. 2. cap. 8. nu. 2. & electione facta, non potest mutari à successoribus, ex Decl. Congreg. 7. apud Vilagut loco cit. nu. 7. ex Trid. sess. 24. c. 9. intellige de Ecclesijs secularibus. Distantia vero est mensuranda ab ipsa cathedrali Ecclesia, ex Decl. Congreg. ibid.

Circa 14. Visitari non debent Prioratus militum Hierosolymitanorum, ex sess. 7. cap. 8. §. vbi Equites. quod si vigeat obseruantia regularis, paterne monere debet Episcopus eorum Regularium superiores vt corrigant ea, quæ necessaria sunt, & si intra sex menses eos non correxerint tunc ydem Episcopi possunt visitare, & corrigere, ex Trid. sess. 21. cap. 8. Nunc temporis visitare possunt eas domos Regulares, in quibus duodecim non degunt, erectas post Decretum Sac. Congreg. de celebrat. Missarum 21. Iun. 1625.

Circa 15. comprehenduntur in Decreto Trid. etiam illa Monasteria commendata, quæ sunt perpetuo vnita alijs Ecclesijs, vel pijs locis, etiam si loca ipsa essent sub regulari protectione, ex Sac. Cong. sess. 21. c. 8.

Index Personarum Visitandarum. §. VII.

- 1 Hæbeat Episcopus Indicem totius Cleri sui cum nominibus, & cognominibus iuxta locorum distinctionem, quem complere poterit indice prænotato supra §. 5. num. 23.
- 2 Sunt autem visitandi Abbates.
- 3 Canonici.
- 4 Plebani.
- 5 Parochi.
- 6 Beneficiati.